



Tel: 035/668 650

A. Izetbegovića 60-2. 75246 Čelić
E-mail: info@opcinacelic.ba

Broj: 02-45-193-1/24

Čelić, 07.02.2024. godine

Na osnovu člana 70. stav (1), (3) i (6), članova 88. i 89. Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22) (u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17) (u daljem tekstu: Statut), na preporuku komisije za nabavku broj: 03-45-193-1/24 od 06.02.2024.godine, u postupku javne nabavke konkurentski zahtjev za dostavu ponuda za javnu nabavku roba „Priprema i isporuka iftara za postače koji su u stanju socijalne potrebe, nemoćne osobe i osobe koje žive same“ LOT 1 – MZ ČELIĆ, Općinski načelnik donosi:

ODLUKU *o izboru najpovoljnijeg ponuđača*

Član 1.

Prihvata se preporuka komisije za nabavku broj: 03-45-193-1/24 od 06.02.2024.godine i ugovor o nabavci robe „Priprema i isporuka iftara za postače koji su u stanju socijalne potrebe, nemoćne osobe i osobe koje žive same“ LOT 1 – MZ ČELIĆ dodjeljuje se ponuđaču UR Restoran „Kod Kibeta 1“, ponuda broj: 1/24 od 30.01.2024.godine, sa najnižom ponuđenom cijenom u iznosu od 9.963,00 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču iz člana 1. ove odluke i to najkasnije u roku od 10 (deset) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 3.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona, istovremeno sa upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke roba „Priprema i isporuka iftara za postače koji su u stanju socijalne potrebe, nemoćne osobe i osobe koje žive same“ pokrenut je odlukom o pokretanju postupka javne nabavke broj: 02-45-193/24 od 22.01.2024.godine. Predmetna javna nabavka provedena je putem konkurentskog zahtjeva za dostavu ponuda. Procijenjena vrijednost javne nabavke iznosila je 28.222,80 KM bez PDV-a, a procijenjena vrijednost LOT-a 1 bez PDV-a iznosila je 9.975,30 KM. Obavještenje o nabavci broj: 306-7-1-3-3/24 objavljeno je na portalu javnih nabavki dana 23.01.2024. godine.

Komisija za javnu nabavku imenovana rješenjem o imenovanju komisije broj: 02-45-203/24 od 22.01.2024.godine, nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku zapisnik o pregledu i ocjeni

ponuda broj: 03-45-193-1/24 od 06.02.2024.godine, preporuku o izboru najpovoljnijeg ponuđača broj: 03-45-193-1/24 od 06.02.2024.godine i izvještaj o radu komisije broj: 03-45-193-1/24 od 06.02.2024.godine.

U postupku po Izvještaju o radu utvrđeno je da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno 2 (dvije) ponude i to: UR Restoran „Kod Kibeta 1“ i d.o.o. „Čelićanka“ Čelić,
- da su blagovremeno primljene 2 (dvije) ponude,
- da nije bilo neblagovremeno primljenih ponuda,
- da je ponuda ponuđača d.o.o. „Čelićanka“ Čelić nepravilna,
- da ponuda ponuđača UR Restoran „Kod Kibeta 1“ ispunjava kvalifikacione uslove predviđene tenderskom dokumentacijom, te je ocijenjena kao prihvatljiva.

Pregledom i ocjenom ponuda nisu uočene računске greške kod ponuđača.

Pregledom i ocjenom ponuda utvrđeno je da je ponuda ponuđača d.o.o. „Čelićanka“ Čelić nepravilna. Naime, članom 5. stav (1) Pravilnika o uslovima i načinu korištenja e-aukcije (Službeni glasnik BiH, broj 80/23) (u daljem tekstu: Pravilnik) propisano je da prije zakazivanja e-Aukcije ugovorni organ vrši početnu ocjenu ponuda, što uključuje provjeru računске ispravnosti ponude i objašnjenje neprirodno niske cijene, te u sistem e-Nabavke unosi sve prihvatljive ponude definisane članom 2. stavom (1) tačkom l) alinejom 1) Zakona. Nadalje, član 2. stav (1) tačka l) Zakona propisuje: „Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.“ ...Nepravilna ponuda je ona ponuda koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska. Članom 57. stav (1) Zakona propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije. Tačkom 4. (Priprema ponuda) alineja 4.2. tenderske dokumentacije određen je način dostavljanja ponuda, između ostalog navedeno je sljedeće: „Ponuda se izrađuje na način da čini cjelinu. Ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova. Ako je ponuda izrađena od više dijelova ponuđač mora u sadržaju ponude navesti od koliko se dijelova ponuda sastoji. Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda, na neki drugi način, uvezana u cjelinu i uz to osigurana jamstvenikom čija su oba kraja na prvoj ili posljednjoj strani pričvršćena naljepnicom ovjerenom pečatom ponuđača, a u svrhu izbjegavanja manipulisanja stranicama ponude. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.“ Ponuđač d.o.o. „Čelićanka“ Čelić dostavio je ponudu koju nije pripremio na navedeni način, odnosno ponuda nije uvezana ni osigurana jamstvenikom ni na jedan od navedenih način. Imajući u vidu naprijed navedeno, Komisija je jednoglasno odlučila da je ponuda ponuđača d.o.o. „Čelićanka“ Čelić nepravilna i uvažavajući odredbe člana 2. stav (1) tačka l) alineja 3) Zakona se odbacuje.

Pregledom i ocjenom ponuda utvrđeno je da ponuda ponuđača UR Restoran „Kod Kibeta 1“, ispunjava kvalifikacione uslove predviđene tenderskom dokumentacijom te je ocijenjena kao prihvatljiva. Navedeni ponuđač dostavio je tražene dokaze zahtijevane tenderskom dokumentacijom na propisan način.

Tenderskom dokumentacijom za predmetnu nabavku predviđeno je provođenje e-aukcije. Članom 4. stav (2) Pravilnika predviđeno je da u slučaju prijema jedne prihvatljive ponude e-aukcija se neće zakazivati, s tim u vezi postupak će se okončati u skladu sa članom 69. Zakona.

Komisija za nabavku nakon ocjene ponuda konstatovala je da je najpovoljnija ponuda ponuđača UR Restoran „Kod Kibeta 1“ i predložila da se ugovor o predmetnoj nabavci zaključi sa ponuđačem UR Restoran „Kod Kibeta 1“ sa najnižom ponuđenom cijenom u iznosu od 9.963,00 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23) i člana 39. Statuta, odlučeno je kao u članu 1. ove Odluke.

Uputstvo o pravnom lijeku:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od 5 (pet) dana od dana prijema ove Odluke. Žalba se podnosi u pisanoj formi i u dovoljnom broju primjeraka, koji ne može biti manji od tri (3).

OPĆINSKI NAČELNIK

Admir Hrustanović, dipl. oec

Dostavljeno:

1. Ponuđačima (2x)
2. Komisiji za nabavke
3. Stručna služba Općinskog vijeća, Općinskog načelnika i zajedničkih poslova
4. Za općinsku web stranicu
5. Evidenciji
6. Arhivi